

Oleh Mahaizura
Abd Malik

mahaizura@mediapri-
ma.com.my

Kuala Lumpur

Pengendali pakej ibadah haji dan umrah, Andalusia Travel & Tours Sdn Bhd (Andalusia) menyasarkan menguruskan 80,000 jemaah umrah tahun ini.

Pengarah merangkap Penasihat Undang-undang Andalusia, Ida Riswana Idris berkata, pihaknya yakin mampu mencapai sasaran itu menerusi kolaborasi dengan Hong Leong Islamic Bank (HLISB) dalam menyediakan pembiayaan mudah secara digital dan patuh syariah kepada umat Islam yang berhasrat menunaikan umrah dan haji.

“Kami yakin pembiayaan berdasarkan Murabahah Tawarruq ini berlandaskan hukum maqasid Syariah dan diharuskan syarat bagi membolehkan seramai mungkin umat Islam menunaikan haji dan umrah.

“Bagi memudahkan kolaborasi antara Andalusia dengan HLISB, orang ramai termasuk jemaah Andalusia boleh mula memohon pembiayaan pakej umrah dengan pembayaran ansuran mudah tidak lama lagi.

“Sejajar menandatangani MoU ini, Andalusia komited mengekalkan dan menambah baik mutu perkhidma-



MD Daud (kiri) bersama Ketua Pegawai Pemasaran dan Komunikasi Hong Leong Bank, Zalman Zainal (kanan) menyaksikan Dafinah (dua dari kanan) bersama Ida Riswana menandatangani MoU. -Gambar NSTP/HAZREEN MOHAMAD

Sasar 80,000 jemaah umrah

Andalusia, HLISB tawar pembiayaan pakej ibadah berlandaskan Murabahah Tawarruq

tan kami kepada jemaah umrah yang dianggarkan bertambah sehingga mencecah 80,000 orang setahun pada musim umrah 1446H nanti, insya-Allah,” katanya pada Majlis Menandatangani Memorandum Persefahaman (MoU) antara Andalusia dan HLISB di sini, semalam.

Turut hadir, Pengerusi Eksekutif Andalusia, Datuk Md Daud Che Ngah serta Pengerusi Lembaga HLISB, Datuk Seri Dr Hamzah Md Kassim.

Melalui kerjasama ini, HLISB melengkapkan pakej umrah dan haji Andalusia dengan menawarkan rangkaian produk perbankan Islam komprehensif dan patuh syariah khususnya Pembiayaan Peribadi-i dan Akaun Pay & Save-i.

Sementara itu, Ketua Pegawai Eksekutif HLISB, Dafinah Ahmed Hilmi menekankan komitmen mereka membentuk penyelesaian kewangan yang memenuhi keperluan gaya hidup khusus pelanggan Is-

lamnya.

“Sebagai institusi kewangan Islam yang mengutamakan hasrat dan keperluan pelanggan, kami menyediakan pelbagai produk dan perkhidmatan patuh Syariah yang memenuhi keperluan dan kehendak pelanggan kami.

“Kami sentiasa berusaha kembangkan perkhidmatan dan produk kami dan kali ini kami ingin membantu mereka yang sudah lama ingin menunaikan umrah dan haji,” katanya.

Koob Sahabat bantu anggota tunai umrah dengan pakej terpilih

Kuala Lumpur: Koperasi Sahabat Amanah Ikh-tiar Malaysia (Koop Sahabat) Berhad menjalin kerjasama bersama tiga agensi pengendali umrah dan ziarah terpilih bagi penyediaan tawaran pakej istimewa kepada anggotanya yang ingin mengerjakan umrah.

Pengerusi Lembaga Koop Sahabat, Mohd Najib Mohd Noor berkata, kemunculan ik- luan dan tawaran pakej umrah yang bagaikan cendawan tumbuh ini membuka ruang kepada kegiatan penipuan dan sindiket agensi umrah kepada masyarakat.

“Justeru, Koop Sahabat mengambil inisiatif membantu anggota koperasi yang berhasrat mengerjakan umrah dan mengelak mereka daripada menjadi mangsa penipuan.

Pelantikan panel operator umrah dilakukan

dengan teliti yang terdiri daripada agensi berpengalaman dan mempunyai reputasi baik dengan harapan agensi berkenaan membantu memudahkan urusan bakal jemaah.

Katanya, anggota Koop Sahabat diberi kemudahan memilih pakej harga bersesuaian mengikut kemampuan dan kesesuaian anggota bersama keluarga sepanjang berada di Tanah Suci.

“Koop Sahabat memastikan agensi dilantik mematuhi setiap syarat dan perjanjian ditetapkan serta mem-

berikan penawaran pakej terbaik dengan harga berpatutan, fasiliti selepas dan pengurusan cep- kap.

“Pemilihan jadual penerbangan mengikut kesesuaian pelanggan dibuka sepanjang tahun dengan penerbangan terawal pada Februari ini,” katanya.

“
Pemilihan jadual penerbangan mengikut kesesuaian pelanggan Mohd Najib